

古今醫案按卷第九

東國所開谷序各言春甫養吳江李齡壽辛垞重較輯

嘉善俞震東扶纂輯通論具前男念祖永修參訂

醫之三因直齋黃蘗取善王宇泰之文得璜礪溪

校勘重校映林苑等重育寶靈本孫男掌明罔若全較

重校并大全刺自民之懷景前醫好道賂南貯賢

女科

重校重寶宋陳壽中脈經劉李而望重編二十一論以爲

葉杏林指掌賦曰醫學之傳首自黃農女科之始則由扁

鵠邯鄲爲帶下之醫史遷所載產寶著愈風之散華佗所

傳病機不等巢元方之立論最詳精血攸關褚侍中之遺

書甚善。熟入血室。臟燥悲傷。胃氣下泄而陰吹。非張長沙孰能辨此。三十六病。轉女爲男。巧奪造化之樞機。舍孫真人其誰與歸。唐白敏中。訪咎殷備集驗方三百七十八首而爲產寶。宋郭稽中。補濮陽李師聖產論二十一篇以爲產方。作大全陳自明之勳最。補醫按薛立齋之功多。高賓刻便產須知。杜歧著產育寶慶。朱丹溪之百問可傳。陳無擇之三因宜讀。蒐羅眾善。王宇泰之女科準繩。分晰羣方。武叔卿之濟陰綱目。議論具備於經綸。方法謹承夫家祕。東垣河間。各有名言。春甫養葵亦多妙義。諸書悉當誦習。臨證自探淵微。學問思辨。不辭人十而已千。補瀉寒溫可。

卽一隅而反四功行滿則青城有望。怠惰久則白首無成。

經水

東垣治一婦年三十餘。每洗浴後必用冷水淋身。又嘗大驚。遂患經來時必先小腹大痛。口吐涎水。經行後又吐水三日。其痛又倍。至六七日經水止時方住。百藥不效。診其脉寸滑大而弦。關尺皆弦。大急尺小于關。關小于寸。所謂前大後小也。遂用香附三兩半。夏二兩。茯苓黃芩各一兩五錢。枳實延胡丹皮人參當歸白朮桃仁各一兩。黃連七錢。川楝遠志甘草各五錢。桂三錢。吳茱萸一錢五分。分十五貼入薑汁兩。蜆殼熱服之後。用熱湯洗浴得微汗乃已。忌當風坐臥。手足見

水并忌喫生冷服三十貼全愈半年後因驚憂其病復舉腰
腹時痛小便淋痛心惕惕驚悸意其表已解病獨在裏先爲
灸少冲勞宮崑崙三陰交止悸定痛次用桃仁承氣湯大下
之下後用醋香附三兩醋蓬朮當歸身各一兩五錢醋三稜
延胡索醋大黃醋青皮青木香茴香滑石木通桃仁各一兩
烏藥甘草砂仁枳榔苦楝各五錢木香吳茱萸各二錢分作
二十貼入新取牛膝溼者二錢生薑五片用荷葉湯煎服愈
震按冷水淋身致病似宜溫經散寒後因驚憂復病似宜
調氣安神乃前則寒藥多於熱藥繼則灸心與心胞絡膀
胱及脾之穴卽能止悸定痛痛已定而復用桃仁承氣大

下之立法甚奇且前用參後不用參而大下之後又用稜
朮桃黃青礬等二十貼幾如國手下子不可思議誠非明
季國初諸醫所能及也

丹溪治一婦年四十八歲因有白帶口渴月經多初來血黑
色後來血淡倦怠食少臍上急以白朮一錢五分紅花豆大
陳皮白芍各一錢木通枳殼各五分黃芩砂仁炙甘草各三
分煎湯下保和丸三十粒抑青丸三十粒

震

按初來血黑後來血淡是本虛而標熱也來既多又倦
怠食少虛象顯然何以不用補藥試觀第四條女年十五
之案則此案治法似未盡善或者此婦之脉弦大而數耶

古今醫案抄卷第九
下二案如黃漿如黑豆汁製方極當

一婦行經色淡若黃漿、心腹嘈雜、此脾胃溼痰故也。以二陳湯合四物入細辛、蒼朮、數服卽止。

一女子經水下如黑豆汁、此絡中風熱也。以四物加黃芩、川連、荊芥、穗、蔓荊子、數服、血清色轉。

一女年十五、脉弦而大、不數、形肥、初夏時倦怠、月經來時多、此稟受弱氣不足、攝血也。以白朮一錢五分、生芪、陳皮各一錢、人參五錢、炒檉三分。

一婦年四十餘、月經不調、行時腹疼、行後又有三四日淋瀝、皆穢水、口渴面黃、倦怠無力、以白朮一兩、歸身、尾、陳皮各七

錢黃連三錢。木通二錢。生芪黃芩各二錢。炙甘草一錢。分作八貼。下五靈脂丸四十粒。食前服。

震

按此案用藥白朮黃連歸身歸尾用得最好。芪芩嫌其

太輕。更好在五靈脂丸。

一婦年二十餘。形肥。痞塞不食。每日入至未。飲薄粥一盞。粥後必吐水半碗。仍復臥。經不通三月矣。前番通時。黑色脉。辰時寸關滑有力。午後關滑寸則否。詢之。因乘怒飲食而然。遂以白朮一兩五錢。厚朴黃連枳實各一兩半。夏茯苓陳皮山查人參滑石各八錢。砂仁香附桃仁各五錢。紅花二錢。分作十貼。每日服一貼。各入薑汁二蜆殼。間三日以神佑丸神祕

沉香丸微下之至十二日吐止食漸進四十日平復如故

震

按飲薄粥一碗必吐水半碗臥不能起將認作大虛證矣其辨在於痞塞及經停之前雖通而黑色也此內火食積鬱成溼熱上則飲停下則瘀阻實證似虛耳辰時寸關脉滑有力者辰爲氣血注胃之時胃滿甚而連及上焦午後惟關滑獨顯胃實之象矣方主消痰消食破氣活血加黃連滑石以清溼熱仍兼人參以鼓舞胃氣使諸藥得行其疎通之力再佐薑汁之辛以開道路又治嘔吐此眞紀律之師有勝無敗者也然猶有病深藥淺之慮隔三日以二丸微下則直搗賊巢病根可拔矣

呂滄洲治一女在室病不月諸醫療皆不得其狀視之腹大如娠求其色脉卽怪語之曰汝病非有異夢則鬼靈所憑耳女不答趨入臥內密語其侍嫗曰我去夏追涼廟廡下薄暮過本神心動是夕夢一男子如暮間所見者卽我寢親狎由是感病我慚赧不敢以告人醫言是也嫗以告呂呂曰女面色乍赤乍白者愧也脉乍大乍小者祟也病因與色脉符雖劇無苦乃以桃仁煎下血類豚肝者六七枚俱有竅如魚目病已

震

按此卽鬼胎亦易辨識惟云病因與色脉符雖劇無苦

一祕訣也桃仁煎頗狠然非此藥不能去此病

俞子容治一婦寡居鬱結成疾經事不行體熱如炙忽吐血若泉湧醫用止血藥不效俞以茅草根搗汁濃磨沉香服至五錢許日以釀醋貯瓶內火上炙熱氣沖兩鼻孔血始得降下遂不復吐經事乃行

震

按此是倒經故降其氣而血自降茅根汁磨最妙尤妙在熱醋薰鼻但經倒猶可生經枯則必死耳

石山治一婦瘦小年二十餘經水紫色或前或後臨行腹痛惡寒喜熱或時感寒腹亦作痛脉皆細濡近滑兩尺重按畧洪而滑汪曰血熱也或謂惡寒如此何謂爲熱曰熱極似寒也遂用酒煮黃連四兩香附歸身尾各二兩五靈脂一兩爲

末粥丸。空腹吞之而愈。

震

按脉細濡近滑兩尺亦於重按畧洪而滑又不兼數殊難認爲大熱乃重用黃連而愈汪公指下真有得心應手之樂

一婦年二十一歲六月經行腹痛如刮難忍求死脉得細軟而駛尺則沉弱而近駛汪曰細軟屬溼數則爲熱尺沉屬鬱滯也以酒煮黃連八兩炒香附六兩五靈脂半炒半生三兩歸身尾二兩爲末粥丸空心湯下三四錢服至五六料越九年得一子又越四年經行兩月不斷腹中微痛又服前丸而愈續後經行六七日經止則流清水腹中微痛又服前丸而

痛亦止。又經住只有七八日。若至行時。或大行五六日。續則適來適斷。或微紅。或淡紅。紅後常流清水。小腹大痛。漸連遍身。胸背腰腿骨裏皆痛。自巳至酉乃止。痛則遍身冷熱。汗大出。汗止痛減。尙能飲食。自始痛至今。歷十五年前。藥屢服屢效。今罔效者何也。汪復診之。脉皆洪滑無力。幸其尙有精神。汪曰。此非舊日比矣。舊乃鬱熱。今則虛寒。東垣曰。始爲熱中。終爲寒中是也。經曰。脉至而從按之不鼓。乃陰盛。格陽當作寒治。且始病時形斂小。今則形肥大矣。醫書曰。瘦人血熱。肥人氣虛。豈可同一治耶。所可慮者。汗大泄而脉不爲汗衰。血大崩而脉不爲血減耳。其痛日重。夜輕。知由陽虛不能健運。

故亦凝滯而作痛。以證參脉宜用助陽。若得脉減痛輕。方爲佳兆。遂投參芪歸朮大劑。加桂附一貼。來早再診。脉皆稍靈。服至二三十貼。時當二月。至五月病愈。蓋病有始終寒熱之異。藥有前後用舍不同。形有肥瘦壯少不等。豈可以一方而通治哉。

震

按細軟而數爲溼熱。洪滑無力爲虛寒的。係辨脉要旨。

汪公自跋數語尤屬治病要訣。然前之黃連終嫌太過。久

一服不換亦恐非宜。

一婦經行必瀉三日。然後行。診其脉皆濡弱。曰此脾虛也。脾屬血。屬溼。經水將動。脾血已先流注血海。然後下流爲經。脾

血既虧。則虛而不能運行。其溼令作參苓白朮散。每服二錢。一日米飲調下二三次。月餘經行不瀉矣。

一婦年逾四十。形長色脆。病經不調。右脉浮軟而大。左脉虛軟而小。近駛常時經前作泄。今年四月感風咳嗽。用湯洗浴汗多。因泄一月。六月復因洗浴發瘡六七次。瘡雖止而神思不爽。至八月盡而經水過多。白帶時下。瀉泄遂覺右腳疼痛。舊曾閃挫腳跟。今則假此延痛。髀腿腰脇尻骨脛項左邊筋皆掣痛。或咳嗽一聲。則腰眼痛如刀扎。日輕夜重。叫號不已。幸痛稍止。飲食如常。因思月水過多。白帶時夜。日輕下重。泄瀉無時。亦屬下多亡陰。宜作血虛治。然服四物止痛之劑益。

甚。九月汪復診視，始悟此病乃合仲景所謂陽生則陰長之法矣。夫經水多白帶下，常泄瀉，皆由陽虛陷下而然。命曰陽脫是也。日輕夜重，蓋日陽旺而得健運之職，故血亦無凝滯之患；而日輕也，夜則陰旺而陽不得其任，失其健運之常，血亦隨滯，故夜重也。遂以參朮助陽之藥煎服六七貼，痛減，此亦病證之變，治法殊常，故記之。

八震

按前案之理，易明此案之脉，亦易認爲虛，惟近駛而合以足之延痛，頗似溼熱耳。然久瀉復瘧，經水過多白帶，時下顯係參朮對證。何云治法殊常耶？

一婦人年逾四十，形色頗實，常患產難倒生，經水不調，或時

遍身骨節疼痛、食少倦怠、自汗、汪診之、兩手脉皆不應、而右關輕按、隱隱然微覺動也、疑脉出部、以指尋按經渠、列缺、穴分、亦不應、甚怪之、乃叩其夫曰、有孕時、醫診亦言無脉、後服八物湯、幸而易產、得一子、汪曰、此由稟賦本來脉不應也、無足怪、可見天下事變無窮、果難一一以常理測也、如脉經所謂、但道其常而已、兩手無脉、不傷其生、又不妨于胎孕、豈脉經所能盡耶、

震

按人有一手無脉者頗多、若兩手無脉者則少、此乃母胎中或襁褓時蹙倒其經隧、致脉不通、原非病也、石山又診一婦、左手無脉、而動于腕臂外、廉陽谿、偏歷之分、是卽